

COMUN: I ofizi de comun é stlüt en lönesc, ai 14 d'agost 2017.

L'implant de reziclaje Alfur é stlüt en dedolönesc, ai 15/08, mo é davert en dedemesaledema, ai 16/08, dales. 9.00 ales 12.00; ince la racoiöda dl refodam biologich gnará fata en dedemesaledema, 16/08 impede le dedolönesc, 15/08.

PLOANIES DA SAN MARTIN Y LUNGIARÜ

Al vëgn organisé n peregrinaje al santuar de Medjugorje dai 30 de setëmbër ai 05 de otober 2017; por informaziuns y prenotaziuns 338 50 27 312.

SAN MARTIN: Incö domënia cianta dala gran mëssa le Cor de dljia da San Martin de Passeier y dedò n valgönes cianties dan dljia. I orun i tó sö cun ligrëza.

En Santa Maria dal Ciüf fajunse do mëssa na prozesciun a Santa Maria incër dljia cun chësc ordin: Crist, scholars, ëi y jogh vistics da festa, confarun, ëres y jones cun le ciüf, cor de dljia, statua de Santa Maria peregrina, sorvidus (12), Proi, confarun, ëres vistics da festa. La zelebraziun se röia te dljia cun la consacraziun dla cöra a Santa Maria, Tantum ergo y benedisciun eucaristica.

La uniun dles ëres invieia dër bel vigni familia/ciasa da porté, en Santa Maria dal Ciüf, le ciüf a benedí, en onur de S. Maria y sciöche benedisciun por vigni ciasa.

Al vëgn dër invié en vëndres, ai 18 d'agost, dales 21.00 al teater cun musiga "Io non giuro" sura la storia de Josef Mayr-Nusser tl salf di stödafüch a San Martin.

LUNGIARÜ: La uniun dles patruns y la uniun dles ëres invieia da porté en Santa Maria le cëst cun le ciüf a benedí sciöch'al é usanza.

L'Ofize dl Sorvisc ai Jogn é stlüt en chëst'edema, dai 14 ai 18 d'agost.

Le Sorvisc ai Jogn Ves invieia dër bel ala raprezentaziuns dl musical de mituns te cater lingac "Ariel, danter tera y mer" cun mituns y mitans dla Val Badia, che é ciamó da odëi incö, domënia, ai 13 d'agost dales 18.00 tl Salf dles manifestaziuns d'Al Plan de Mareo. Entrada lëdia, 30 menuc dan le mëter man.

La mostra "Contrast" tl Istitut Ladin a San Martin é da odëi cina ai 25 d'agost i dis lönesc - sabeda dales 10.00-12.00 y 16.00-19.00 y la domënia dales 10.00-12.00

La Uniun dla Musiga invieia ala festa alaleria ai 14 y 15 d'agost a San Martin:
ai 14/08 dales 19.00: Scomenciamënt dla festa cun la poscibilité da cené;
dales 20.30: sëra folcloristica y intratenimënt musical cun les "Gitschberg Gitsch"
dales 22.00 inant: musiga cun i "The Enzian"
ai 15/08 dales 9.30: Mëssa solëna te dljia cun prozesciun
dales 11.00 inant: Matiné cun liagnes blanches
dales 11.45: defilada y concert dla musiga da Schabs
dales 14.45: defilada y concert dla musiga da Völser Aicha
dales 18.00 inant: musiga da bal cun "I Tirataie"

Assoziaziun Turistica:

domënia 13/08 dales 21.00: concert di jogh "Sol" tla pizzeria a Lungiarü.

lönesc ai 14/08 dales 10.00 ales 18.00 concert alaleria de Paolo Zanarella, "Pianista fuori posto" sön Börz ti Prá de Spütia.

mercuri 16/08 dales 21.00: Diashow de Marlis Clara tla Pizzeria a Lungiarü.

jöbia 17/08 dales 21.00: concert dla Musiga da S. Martin tl salf d'Antermëia

vëndres 18/08 dales 21.00: Spetacul de teater y musiga "Io non giuro" sura la storia de Josef Mayr-Nusser tl salf di stödafüch a San Martin.

En sabeda, ai 19 d'agost, dales 17.00 é l a San Martin tl ciamp Pradel l'andada dla "Copa Provinzia" danter ACD Val Badia y FC Oberland/Vinschgau.

Do la partida é l'inaudaziun dl ciamp sintetich.



www.unitepastorala.org

Plata dles Ploanies San Martin y Lungiarü

siur Iaco Ploner 3334832765/0474453003 - ploner.jakob@aruba.it
redaziun: anton.gasser@rolmail.net - 348 27 44 517 / 0474 523 194

13.08.17 – 20.08.17 nr. 38

termo da publiché: jöbia 20.00
radio: 90,40 / 93,70

19ª DOMËNIA IA POR L'ANN A

Vangele: Matü 14,22-33

La barca ê bele cotan ite por le lech y gnô sciurada ia y ca dales ones; deach'ai â vënt da rodus.

Dala quarta verda de nôt é gnü Gejù da d'ëi; al jô sura ega ia.

Canche i discepu l'â odü gnon ca por lêch, s'ai spordü, ciodich'ai minâ ch'al foss n fantasm, y ai scraia dala tēma.

Mo Gejù à metü man da baié impara y à dit: Ede confidēza, i sun iö; no se temede! Sön chëra à respognü Pire: Signur, sce t'es tō, spo comana ch'i vëgnes da tè sura ega ia. Gejù à dit: Vi! Dailò é Pire jü fora de barca y é jü da Gejù sura ega ia. Mo canch'al â odü tan ri che le vënt ê, àl ciafè pôra y jô sot.


Cun püch y degun suzes combatunse contra les dificultés che la Dlijia incunta tl vënt che ti sofla decuntra; y i ne fajun nia d'ater co baudié. Mo chësc se sparagnunse incö.

Le vangele da incö cunta na storia dl tēmp do la ressureziun y dl pröm tēmp dla storia dla Dlijia. Ciodî se sperd pa y scraia i discepu dala tēma? Apēna dal vënt, al é pô ma n vënt da rodus. Ai se tēm dal Ressorî che ti vëgn adincuntra, te na manira ch'ai ne s'aspetâ nia.

Ora che Gejù é impara tla barca, se sbona ia la situaziun y ai röia inant. Forsc n'á la Dlijia aldedaincö gnanca tan de dificultés por le vënt contrar di tēmps da incö, mo deach'ara é gonot sön tru zēza Gejù ta barca. Sc'i porvun, sciöche i discepu, da rové inant zēza Gejù cun nos, él tambëgn ince por nos da se sperde y da temëi.

Important él ince ch'i stunse y tignunse adöm tla comunité dla Dlijia, deache Pire, ora ch'al vá da su fora de barca, manacel da jí sot.

Al é n gröm de situaziuns y de ativités tla Dlijia olach'i un dōtes les rajuns da se damané: tignunse pa adöm y é pa Gejù senté cun nos te barca?



	SAN MARTIN	LUNGIARÜ	
13.08.17 19ª DOMÈNIA - ANN A	9.00 Corona 9.30 Gran Mëssa por la Comunité cun benediscun dl tëmp <i>ciantada dal Cor de dljia da San Martin de Passeier, che ciantará dedo ince n per de cianties sön plaza de dljia.</i>	7.55 Corona 8.15 Gran Mëssa por la Comunité cun benediscun dl tëmp 15.00 Corona tla capela da Seres	 Santa Maria dal Ciüf Santa Maria tuta sö tl cil Maria, che t'es amesa la comunité di credënc, Maria, che t'es abinada adöm cun nos, Maria, che te prëies cun nos do le Spirit de Dî, Maria, che te ciantes la ciantia dl'umilté, Maria, che te laldes Idî cun dõta tua vita, Maria, che te fejes dõt ci che Gejú dij, Maria, che te ne la das nia sö ince sce te vëgnes desgorta, Maria, che te pënses sura y spo le fejesté, Maria, che te la tègnes fora ince tl maiú dolor, Maria, che te vëgnes tlamada beata ciodí che t'as cherdü, Maria, che te i as respognü al amur de Dî cun dõta tua vita, Maria, nosta so tla fede prëia por nos. 
14.08.17 Lönesc <i>Maximilian Maria Kolbe</i>	15.30 Mëssa tla Ciasa Palsa 18.30 Mëssa prefestia dl ann + Linda Clara, Mühlmann + Hannele Flöss + Monica Zingerle + Giovanni Flöss y familia	20.00 Mëssa prefestia + dl ann + Emma Dejaco, Lagoscel + Guido Clara + Rudi Moling	
15.08.17 Dedolönesc S. MARIA DAL CIÜF, <i>Santa Maria tuta sö tl cil</i>	9.30 Mëssa solëna cun prozescun incër dljia 18.00 Corona dl gran santú	7.55 Corona 8.15 Mëssa solëna 15.00 Corona tla capela da Seres	
16.08.17 Dedemesaledema <i>Stefan, Teodor</i>		<i>degöna mëssa</i>	
17.08.17 Jöbia <i>Iazint, Iuta</i>	7.30 Mëssa + Sepl Ferdigg (dl ann) + Heinrich Clara Corona por vocaziuns	7.30 Mëssa (don Cristiano) + + + Pire, Linda y Gabriel Clara	
18.08.17 Vëndres <i>Elena, Claudia</i>	19.00 Adoraziun chîta 19.30 Adoraziun deboriada	7.30 Mëssa (don Cristiano) vis y + + de fam. Rita Clara	
19.08.17 Sabeda <i>Jan Eudes, Sebald</i>	15.30 Mëssa tla Ciasa Palsa 18.30 Mëssa prefestia dl ann + Pia Trebo dl ann + Friedl Pedevilla y + Paula Paraza + Nane Graffonara Zingerle	20.00 Mëssa prefestia (don Cristiano) families de Albina Mischi, Pinis + Veneranda Schanung	
20.08.17 20ª DOMÈNIA - ANN A	9.00 Corona 9.30 Gran Mëssa por la Comunité cun benediscun dl tëmp + Notburga Gasser Pedevilla (dl ann)	7.55 Corona 8.15 Gran Mëssa por la Comunité cun benediscun dl tëmp <i>(don Cristiano)</i> 15.00 Corona tla capela da Seres	